



LEFAPHA
LA BODIRE DIPUSO LE TSAMAISO REPHABOLIKI
YA AFORIKABORWA

**PUO YA TONA N. KIVIET KWA
SEMINARENG YA BRICS MABAPI LE
TAOLO
LE FORAMO YA BRICS MABAPI LE
DITHEFOSANO TSA BATHO – GO-
BATHO KWA HILTON HOTEL ,
SANDTON KA LA 19 PHATWE 2023 , KA
13H30**

Moradisi

Moporesidente wa Setlhopha sa Bodišhabatšhaba sa Ditlhaeletsano

sa China

Boeteledipele jwa Akamemi ya China ya Sešeng le Dithuto tsa

Lefatshe

CEO ya Khansele ya Disaense tsa Batho ya Dipatlisiso

Mogokgo wa Sekolo sa Bosetšhaba sa Puso

Maloko a setlhopha sa badipolomate

Badirisani go tswa kwa dinageng tsa BRICS

Bakaedikakaretso, ditlhogo tsa ditheo tsa puso le batlhankedi ba bagolo

ba puso

Maloko a Barutegi

Maloko a bobegakgang

Baeng ba ba tlotlegang, dibui le bannaleseabe ba ba leng teng fa

gompiano

Dumelang!

Ke ka boitumelo jo bogolo jwa me le tlotlo go lo amogela lotlhe mo Seminareng e ya BRICS e e mabapi le Taolo le Foramo ya Thefosano ya Setso ka fa tlase ga thitokgang **“Go rotloetsa Kgato ya Tlhabologo ya Lefatshe Lotlhe Mabapi le Tlhabologo”** e e ka nnang le seabe mo phitlhelelong ya kgolo e e potlakisitsweng, tlhabololo e e tswelelangpele le kamano ya dinaga tse dintsi e e akaretsang go ya ka thitokgang ya Kopano ya monongwaga ya BRICS ka fa tlase ga Bonnasetulo jwa Aforikaborwa. Thitokgang ya Kopano ya monongwaga ya BRICS le thitokgang ya Seminara e di emela maitlhommo le mokgwa mabapi le diphegelelo tse di elediwang mabapi le tlhabololo e e tswelelangpele le khumo e e abelanwang mo go BRICS le go feta.

E emela phegelelo ya go tthagisa mokgwa o o siameng o o laolang ditiragalo mo lefatsheng. Gape e emela kgato ya tlhabololo ya rona le botlhokwa jwa go fedisa lehuma. Re lebagane le tiro e kgolo ya go tthagisa kgolo e e tsamaelanang, go latela tsela ya rona ya tlhabololo, go nna le seabe mo puisanong ya tswelelopele le taolo ya lefatshe lotlhe ka go tthagisa kamano ya dinaga tse dintsi e e akaretsang. Seminara e e e mabapi le Taolo e diragala ka nako e mokgwa wa gajaanong wa taolo ya lefatshe lotlhe o tlhokang ka bonako gore tokafalo e nne e e akaretsang le go latlha kakanyo ya go ama batho botlhe mo lefatsheng mme go dirisa e e elang tlhoko pharologano le dinnte tse di le mmalwa.

Lefatshe le fetogile thata e bile le nna marara letsatsi le letsatsi, e bile se se dira gore go nne le tlhagelelo ya taolo. Taolo e ka se nne e sa fetoge e bile ga e a tshwanela go nna e sa fetoge. E tshwanetse go tlhagelela go tsibogela diphetogo tsa ka fa gare le tsa kwa ntle e bile mo go leng botlhokwa thata e tshwanetse go tlhagelela go fitlhelela diphegelelo tsa rona tse di tshwanang. Bao ba ba sa tthagiseng taolo ya bona ba tlhola bothata jwa gore ba tlogelwe kwa morago le gore go nna mo molaong ga bona go nyelediwe. Mokgwa wa taolo ya lefatshe lotlhe o tshwanetse go tokafadiwa go tsibogela marara a a mantsi ntle le go gapeletsa melao e e tshwanang mo dinneteng tse di farologaneng mo nakong ya tlhakatlhakano. Mokgwa wa taolo ya lefatshe lotlhe o o ikaegileng ka tumelo e e seng ya nnete e e mabapi le go ama batho botlhe mo lefatsheng o kgoreletsa Dinaga tsa mo lefatsheng tsa tlhabologo e e kwa tlase ya ikonomi le ya indaseteri go ipusa.

Kgato ya Tlhabologo ya Lefatshe Lotlhe e leng thitokgang ya Seminara e e ikaelela go fedisa tumelo e e seng ya nnete ya lefatshe lotlhe ya nnete

e lenngwe, mokgwa o le mongwe wa taolo, tlhabologo e lenngwe, tsela e lenngwe ya go itse le mokgwa o le mongwe wa ikonomi mo lefatsheng la dinnete tse dintsi le go rotloetsa go tshela mmogo le tirisanommogo magareng ga ditlhabologo tse di farologaneng go latela diphegelelo tse di tshwanang. Kgato ya Tlhabologo ya Lefatshe Lotlhe e emela go tlotla go farologana ga ditlhabologo, e rotloetsa diphegelelo tse di tshwanang tsa batho jaaka kagiso, kgololosego, tekatekano le tlhabololo e bile e rotloetsa go maatlafatsa puisano ka dithefosano tsa batho-go-batho go rotloetsa kutlwisisano.

Mokgwa wa taolo ya lefatshe lotlhe o o sa tokafadiwang le mokgwa wa boditšhabatšhaba wa matlotlo o o ikaegileng ka melao o dira gore go nne thata gore Dinaga tsa mo lefatsheng tsa tlhabologo e e kwa tlase ya ikonomi le ya indaseteri go fitlhelela tlhabololo ya tsona ka botlalo. Dinaga di gapeletsega go tokafatsa mekgwa ya tsona ya taolo ya bosetšhaba ka go dirisa e e tswang kwa ntle e e sa diriseng dinnete tsa selegae le dipharologano. Mekgwa ya taolo e e sa diriseng dinnete tsa selegae le dipharologano ka gale e tlhakatlhanya kagiso le go nyatsa tlhabololo.

Seminara e e diragala ka nako ya fa Ditšhabakopano e kaya fa maikaelelo a go fedisa lehuma la lefatshe lotlhe ka 2030 jaaka baeteledipele ba lefatshe ba dumelane jalo ka 2015 a tswelapele go se itumedise mo karolo ya lehuma la lefatshe lotlhe e leng kwa Dinageng tsa mo lefatsheng tsa tlhabologo e e kwa tlase ya ikonomi le ya indaseteri. Ntlha ya tlhabololo ya lefatshe lotlhe e tlhotlhelediwa ke go se tshwane le go se lekalekane magareng ga Dinaga tsa mo lefatsheng tsa tlhabologo e e kwa tlase ya ikonomi le ya indaseteri le Dinaga tsa mo lefatsheng tsa tlhabologo e e kwa godimo ya ikonomi le ya indaseteri. Dinaga tsa mo lefatsheng tsa tlhabologo e e kwa tlase ya ikonomi le ya indaseteri di tshwanetse go samagana le go latela maikaelelo a a amanang le tlhabololo le tikologo fa Dinaga tsa mo lefatsheng tsa tlhabologo e e kwa godimo ya ikonomi le ya indaseteri di setse di fitlheetse diphegelelo tsa tsona tsa tlhabololo. Tlamelo ya matlotlo e tswelapele go se siame e bile ka gale e tla ka mokgwa wa dikadimo tsa madi ka melao e e farologaneng go sa kgathalesege sekoloto e leng ntlha e e amang maikutlo go Dinaga di le dintsi tsa mo lefatsheng tsa tlhabologo e e kwa tlase ya ikonomi le ya indaseteri.

Fa re ntse re buisana mo Seminareng e, a re dirisanengmmogo go tswelapele ka ditokafatso mo dikarolong tse di latelang go latela ditheo

tse di nang le bokgoni e bile di le popota mo dikarolong tsotlhe:

Go maatlafatsa Taolo

Dinaga tsa BRICS di tshwanetse go tswelapele go kgaratlhela tokafatso ya mekgwa ya boditšhabatšhaba le ya fa gae ya taolo e e nang le seabe mo tlabelolong e e siameng e bile e lekalekana go kgabaganya lefatshe go latela kgolo ya ikonomi le tekatekano go botlhe. Mabapi le go maatlafatsa bokgoni jwa taolo, Moporesidente Xi Jinping o re ruta gore mokgwa wa taolo le bokgoni wa naga ke didirisiwa tse di botlhokwa tsa mokgwa wa yona le bokgoni jwa taolo jwa mokgwa oo.

Ka bonedi ba tsona di dirisammogo. Gape, Moporesidente Xi Jinping o gatelela gore ngwaoboswa ya hisetori ya naga le dingwao tsa setso, le maemo a yona a tlabelolo ya loago le ya ikonomi di tshomamisa mofuta wa mokgwa wa taolo o o leng maleba thata mo nageng, e bile kwa bofelong o swediwa ke batho ba naga eo. Se ga se gwetlhiwe ka kakanyo ya go tshakatlhakanya go ama batho botlhe mo lefatsheng ka go rata ditlabelologo tse di farologaneng tse di atlegileng e bile gape di fentse tse di dirisanang mabapi le phitlhelelo ya diphegelelo tse di tshwanang tsa batho.

Tokafatso ya ditheo

Re tshwanetse go tswelapele go refosana re le ditlabelologo tse di farologaneng mabapi le ka moo re ka agang ka teng le go tswelapele go maatlafatsa ditheo tsa rona go rebola ditirelo tse di siameng go batho ba re tshelang ka maina a bona e bile bao go nna mo molaong ga rona go tswang kwa go bona. Re tshwanetse go aga ditheo tse di leng popota, tse di maatla e bile di na le boitlhamelo. Go amogelwa sentle gore ditheo tse di nang le bokgoni ke ntlha e e botlhokwa mabapi le go tsamaisa le go fitlhelela phetogo ya ikonomiloago ya katlego. Ke ka ntlha e botlhokwa jwa go aga ditheo tse di leng popota, tse di leng maatla, e bile di na le bokgoni e le didirisiwa tsa tlabelolo le phetogo ya ikonomi e leng ntlha e e botlhokwa mo dinageng di le dintsi tsa tlabelolo.

Dinaga tsa tlhabololo tse di atlegileng di ne tsa kgona go tsholetsa dimilione tsa batho e bile di tswelotsepele go nna popota mabapi le mathata le tlhakatlhakano. Ke gore, di kgona go tsibogela dikgwetlho tsa ka fa gare le tsa kwa ntle le dikgoreletsi e bile di kgona go samagana le marara le go fetola mathata go nna tšhono. Dinaga tsa tlhabololo tse di atlegileng di rulaganya phetogo ya ikonomiloago le kgolo e e akaretsang, di lebeletse boitekanelo jwa batho. Di tswelotsepele ke go nna mo molaong ga manaane a tsona mmogo le bokgoni jwa badiredipuso. Go maatlafatsa Ditirisanommogo tsa Tlhabololo

Ditirisanommogo di botlhokwa mabapi le go abelana didirisiwa le kitso go fitlhelela diphegelelo tse di tshwanang. Morero wa 2030 wa Tlhabololo e e Tswelotsepele o dirile boikuelo jwa ditirisanommogo go fedisa lehuma la lefatshe lotlhe ka ngwaga wa 2030. Le fa gontse jalo, dikgatlhego tse di rileng tse ditshesane, go selekalekane ga dithuso tsa matlole le tlhabololo le dithulaganyo tse di gaisanang magareng ga Dinaga tsa mo lefatsheng tsa tlhabologo e e kwa godimo ya ikonomi le ya indaseteri le Dinaga tsa mo lefatsheng tsa tlhabologo e e kwa tlase ga ikonomi le ya indaseteri di bakile kgaisano ya didirisiwa. Tsona di tshosetsa ditsholofelo tsa rona tsa go tlhabolola. BRICS, e e rotloediwang ke kakgolo le go tlotla pharologano ke sekao se se botlhokwa sa ditirisanommogo tsa tlhabololo. Re tshwanetse go tswelotsepele go maatlafatsa tirisanommogo ya rona go emanokeng tokafatso ya ditheo le go aga bokgoni jwa bodiredipuso go etelelapele phetogo ya ikonomiloago ya katlego.

Mokgwa wa BRICS o emela tirisanommogo ya Dinaga tsa mo lefatsheng tsa tlhabologo e e kwa tlase ya ikonomi le ya indaseteri e e dirang boikuelo go dinaga di le dintsi tse di tlhabologang. Ka Ditšhabakopano (UN) e bega fa tswelotsepele mabapi le go fedisa lehuma la lefatshe e sa itumedise, Mokgwa wa BRICS o tshwanetse go batla go oketsa tirisanommogo ya yona go latela tlhabololo e e tswelotsepele le diphegelelo tse di tshwanang tsa Dinaga tsa mo lefatsheng tsa tlhabologo e e kwa tlase ya ikonomi le ya indaseteri. Mokgwa wa BRICS o tshwanetse go tswelotsepele go latela ditokafatso tsa taolo mo mokgweng wa boditšhabatšhaba mo dikarolong tsotlhe go rotloetsa phetogo ya ikonomi, go maatlafatsa tlhabololo e e akaretsang e bile e siame le go rotloetsa tirisanommogo e ntsi ya batho-go-batho go kokoanya tumelano mabapi le thulaganyo ya go tliša phetogo le go tlhola go tshepana.

Dithefosano tsa Batho-go-batho

Dithefosano tsa batho-go-batho ka fa tlase ga sekao sa Kgato ya Tlhabologo ya Lefatshe Lotlhe di tshwanetse go lebisa mo go feteng kutlwisisano go abelana ka boitlhamelo le go tswelelopele go nna le seabe mo tthagisong ya bokgoni go rulaganyetsa baša ditiro tsa bokamoso le go fokotsa sekgala tsa bokgoni le sa dijithale mo Dinageng tsa mo lefatsheng tsa tlhabologo e e kwa tlase ya ikonomi le ya indaseteri. Bomme le borre, badirimmogo le nna ba ba rategang, re tshela mo nakong ya pharologano, ya marara le ya ketsaetsego. Tse ga di a tshwanela go tsewa e le nako ya bothata jo bo tseneletseng fa e le gore re na le ditheo tse di siameng e bile di na le maatla. Re tshwanetse go kgarathela go tswelelopele go tokafatsa taolo ya rona le go maatlafatsa tirisano mogo ya rona go fitlhelela dikgatlhego tse di tshwanang tsa botlhe.

Ke lo eleletsa dipuisano tse di mosola le botsalano jo bo sa feleng.

Ke a leboga.